

看山閣集

今體詩

卷一之四





看山閣集

今體詩卷一目錄

春曉

夏午

秋夜

冬暮

掃葉

幽居

開尊花下





栽竹

暮春

送春

秀甲園曉望

春閨

秋閨

詠花十二首

梅

桃

牡丹

綉球

荷

海棠

芙蓉

桂

菊

茉莉

白薔薇

天竺臘毒

題畫八章



雲泉圖

鼓棹圖

錦樹圖

高隱圖

耕讀圖

翁泉圖

鳴笳圖

雪漁圖

索居漫興二首

兢渡日病起

餞友西行

哭釋特生

集友觀荷二首

遇豔歌自製詞二首

消夏吟

小園十詠

水亭

岸舫

板橋

石闌



竹籬

荷池

魚沼

花裊

桐軒

竹逕

雨過新涼偶成一律

月下醉歸

醉中聞笛

友人索題蘇簡簡鏡閣圖

詠瀟湘八景

瀟湘夜雨

山市晴嵐

遠浦歸帆

烟寺晚鐘

漁村夕照

洞庭秋月

平沙落雁

江天暮雪

秋暮感懷



過王亦菴此木軒領畧林泉之勝二首  
友人新構凌霄閣招余過飲

過機山訪陸處士書堂

壽潘仁久七十

壽郡丞金六乾太翁二首

哭穆提憲

浦南烈婦

壽畢魯望六十

輓王倫叙兼慰太史雲岡三首

看山閣集今體詩卷一目錄終

看山閣集

峯泖黃圖秘容之著

今體詩卷一

春曉

聒耳鶯聲百轉長  
開軒殘月影微茫  
鶴貪新綠眠芳草  
蝶醉嬌紅宿海棠  
拂檻悠悠風度暖  
沾襟細細露凝香  
灌花掃葉春多事  
閒到儂家也有忙

夏午

斗室無塵我德馨  
調琴又喜閱金經  
窗遮蕉葉陰書綠  
簾捲山光照眼青  
映水新荷香遠遠  
巢梁乳



燕語星星村廚日午雞初唱杜老何曾飯白丁

秋夜

蘆荻蕭蕭小院旁紙窗木榻晚生涼桐邊月出窺  
人睡竹外風來拂酒香繞砌寒蟲何寂寞浮塔秋  
水自蒼茫林深地僻更初靜幾度鐘聲起上方

冬暮

一鈎新月起前川釣罷樵回已暮天滿地夕陽增  
夜況千家燈火散寒烟歸風冷淡雲衣薄落日微  
茫山骨縣靜掩柴門澆魯酒好吟白雪送殘年

掃葉

白雲忽起半空山靜日無人獨掩關自笑索居何  
所事一秋掃葉不曾閒

幽居

蝸廬半畝築花坡檜竹陰深積翠多自喜幽居塵  
俗少閒時瀟灑醉時歌

開尊花下

落花啼鳥成新咏明月清風不用錢花月與余宜  
有契坐花醉月豈徒然

栽竹

園林一畝足盤桓石戶雲房頗自安今日最難逢



竹醉放開籬落植千竿

暮春

草堂三月燕來遲  
綠暗紅稀春暮時  
幾曲碧闌花事了  
辛勤又放到酴醾

送春

怪煞村風刮地吹  
萬紅搖落滿堦墀  
此情只合尋狂醉  
愁聽聲聲叫子規

秀甲園曉望

王文恭公別業

可許漁人到花源  
境不窮山圍明月裏  
泉斷白雲中  
竹愛徽之韻  
槐遺文正風  
曲深迷去路  
何處訪

仙翁

春閨

一枝花倚碧闌前  
含露臨風劇可憐  
翠黛懶描唇  
不點曉粧初罷  
又尋眠

秋閨

薄薄羅裙淡淡粧  
輕搖團扇曉風涼  
捲簾不見雙飛燕  
撩亂春來一片腸

詠花十二首

梅

玉骨冰姿不染塵  
安知世外有佳人  
一枝鮮好應



無比占盡江南嶺上春

桃

春暖花枝著意栽西園風景好徘徊為憐紅雨嬌  
無那直放扁舟洞口來

牡丹

粉笑脂香第一仙如瓊如玉總堪憐石家錦障春  
常在盡醉難酬不夜天

綉毬

寒玉堆枝情自得碎雲成朶賞尤堪幽閑合作神  
仙侶笑倚春風舞欲酣

荷

不媚晚粧媚曉粧好風簾幕透清香誰家少女來  
池上較勝花容笑六郎

海棠

不語含情春未窮碧衫相映肉微紅嬌姿肯向東  
風立好比楊妃酣睡中

芙蓉

癡情猶在濃粧下嬌力難支微醉中淡粉輕脂和  
露濕斜臨水鏡泣秋風

桂



萬點黃金攤不收如珠如粟滿枝頭微風忽過涼  
生脇自有餘香散酒甌

菊

秋榮黃菊瘦難持月照西窗影暗移  
逸士一尊瀟灑醉東籬

茉莉

羣英零落獨芬芳更與蓮花早晚粧  
帶雪手携蕉扇夜聞香

白薔薇

細勻膩頰梨花艷一捻纖腰楊柳春  
明是文君新

寡後臨風無主暗傷神

天竺臘梅

風前紅映珊瑚帶雪後香浮蜜蠟盤  
勁節更畱顏色耐人看

題畫八章

雲泉圖

最喜卧遊無遠近泉聲嗚咽畫中聞  
逍遙攜杖溪橋畔一片青山半欲雲

鼓棹圖

春江深處有仙翁獨好遊行趣不同  
載滿雲山舟



一葉安知人在畫圖中

錦樹圖

山淨烟清水淡流丹楓如錦獨臨秋卧遊堪作花  
源想直使漁人誤泛舟

高隱圖

石一拳兮水一池頗堪怡養我情癡畫圖且喜無  
冬夏任有炎涼總不知

耕讀圖

山秀泉清可卜居爲樵猶得更爲漁處心恬淡應  
無俗童子烹茶自讀書

翁泉圖

靈源深處有仙翁携杖逍遙積翠中一片白雲飛  
不去蓬萊咫尺許相通

鳴笳圖

意態輕盈果不羣擬將蘭蕙比芳芬月明畫角聲  
三弄故國山川擁白雲

雪漁圖

數筆湖山畫裏看一天殘雪是嚴寒蕭蕭荻葦滄  
江晚惟有漁翁弄釣竿

索居漫興二首



春來且喜景晴和榆莢錢拋柳線拖暖日爭開花  
似繡好風相送鳥如歌金微舉世交應淺才拙驚  
人句未多惟有欲淘情性處一尊容我醉顏酡

又

山館深深欹逕斜風篁月篠影交加三分烟水憑  
誰話一片雲林藏我家遇酒既堪供盡醉逢人不  
必問生涯此身自分多蕭散日逐消磨書五車

競渡日病起

醉中風月醒中天度節惟留詩一聯鬪草踏青興  
在否頽然莫似昔年前

錢友西行

折柳攀襟酒半醺送君心已早紛紜陽關惜別非  
無曲唱出行人不忍聞

哭釋特生

月色和雲影空清似我師孤雲窮妙相片月動懷  
思笑爲拈花失書因招社遺日長來竹院無復話  
閒時

集友觀荷

綠水全開鏡紅蕖照滿筵靜觀忘酷暑欣賞構佳  
篇兩過憑魚戲風翻驚鷺眠最堪相愛處欲語向



人前

又

醉卧池塘上飄飄常欲仙  
嬌紅何旖旎嫩白亦清妍  
探水渾如戲迎人豈受憐  
炎威能不畏長夏自留連

遇艷歌自製詞

顧曲憐余久擅名櫻桃小口得逢卿  
歌臨明月鴻驚舞調入春風  
樹欲聲

又

漫啟朱唇調玉管還將纖手撥銀箏  
却憐斷續黃

鸚語綴入紅牙別有情

消夏吟

彤杉一畝草堂開鳥自飛飛雲自來  
荷氣半簾香可掬桐陰滿地日初回  
清風無價蒲葵扇明月多情鸚鵡杯  
所學未優何以仕躊躇惟許嘯徂徠

小園十詠

水亭

吾愛亭西爽行來逕頗幽  
傍山猶似笠得水却疑舟  
坐久能忘暑心閒可共鷗  
快哉與喜雨好景一齊收



岸舫

頗得歐陽趣其中可逗畱疑居偏不陸似舫却非  
流久繫花源口恒停柳岸頭一燈明滅裏人坐夜  
悲秋

板橋

流水平橋接桃花夾岸低撫松觀白鶴踏柳聽黃  
鸝簞為酣眠設尊因翫月携浮雲縈不散歸路已  
相迷

石闌

對景情多少憑闌樂有無百千花覆地一半月侵  
襦雖覺拘人苦然無傍水虞今宵沉醉後免得倩  
相扶

竹籬

既以茅為舍還須竹作籬疎疎真可愛密密亦相  
宜山自悠然見菊猶偶爾移此中滋味好能有幾  
人知

荷池

為有蓮花癖經營鑿小池東西相映植紅白亂交  
枝濃艷深堪賞清香遠可思濂溪今日在若箇更  
心知



魚沼

槐陰垂半畝烟水只三分  
點點魚噴浪行行雁寫  
雲溪光清可挹荷氣淡  
堪聞此際投竿好西山  
正夕曛

花裊

我有花裊樂花前興倍加  
睡花花共睡花醉醉同  
花闌外花偏麗花間月  
正賒人隨花不老時插  
髮花斜

桐軒

居小惟容膝軒開景頗幽  
綠陰搖水檻青影落簾

鈎枕簟拋無定詩書攤不  
收那堪人獨坐蟋蟀夜  
鳴秋

竹逕

嫩綠陰深處通幽一境開  
蕭蕭聞曉籟个个落蒼  
苔六逸誰堪繼七賢莫浪  
猜詩腸有鼓吹料自竹  
西來

雨過新涼偶成一律

一番新雨過平池正是軒  
窗滌暑時風入林間常  
得嘯雲生山外自含姿已  
無烟火忘人俗尚戀琴  
書笑我癡最喜晚涼分綠  
蔭不須擊鉢亦成詩



月下醉歸

可喜今宵月多情送我還空明入妙境清淨話因緣未敢稱詩伯聊堪擬醉仙歸來酬皓魄西下粉牆邊

醉中聞笛

小窗閒話落燈花酒到酣時興倍加金粟滿堦香入座數聲風笛月堪賒

友人索題蘓簡簡鏡閣圖

鏡閣深藏花一枝含情索笑幾多時於今鏡徹花無影惟有春風依舊吹

咏瀟湘八景

瀟湘夜雨

寒凝蒼冥色哀起鷓鴣鳴奔浪滔滔至怒濤滾滾生白雲冷舞袖翠竹咽歌聲我欲携尊酒酣歌忘客情

山市晴嵐

春日真如錦晴天蕩盡烟嵐光浮檻畔樹色映闌前網得魚蝦美采來菱芡鮮將船買酒去遙指白雲邊

遠浦歸帆



烟水茫無際秋山淡若描  
櫓聲起隱隱帆影落蕭  
蕭向午隣雞唱迎人村犬  
嘵入門攜子女共話把  
燈挑

烟寺晚鐘

暝入松門裏烟生山寺間  
鐘聲天上落杖錫嶺頭  
還猿爲聞經守鶴方得夢  
閒我慙緣未覺不敢叩  
僧關

漁村夕照

瀕崖築小屋烟水泛扁舟  
曉入湘江口暮歸柳岸  
頭于情常自得與世不相  
求一笛清風調掃除萬

古愁

洞庭秋月

同是江湖月空清最洞庭  
天光明不夜秋色醉難  
醒舟小如浮葉樓高比摘  
星玻璃瀉萬頃蕩漾出  
精靈

平沙落雁

陣斷衡陽浦聲悲畫角秋  
相呼愁失序顧影念同  
儔蘆荻新爲舍江湖舊有  
邱沙棲和水宿兩兩夕  
陽投

江天暮雪



誰將墨池水傾覆滿長空俄頃迴寒日須臾起朔  
風湘妃今忽老巴嶺已成翁清境何如此瑤臺銀  
海中

秋暮感懷

千竿翠竹數株桐簌簌蕭蕭一院風細草乍沾新  
雨綠殘霞欲墮晚山紅乘閒枯坐情偏爽對景微  
吟意不窮似醉似癡渾似夢假儂歡樂少人同

過王亦菴此木軒領畧林泉之勝因賦

楊柳生風淡桃花着雨紅草亭多別致因在畫圖  
中

又

山谷春初至草廬雲半含此中多樂境林茂與泉  
甘

友人新構凌霄閣招余過飲

弔水憑山歲又旬乾坤容得兩閒身杯浮琥珀渾  
無量筆掃烟雲若有神一片晚霞紅似錦半鈎新  
月白如銀窮觀須上凌霄閣謝眺丰標遠過人

過機山訪陸處士書堂

處士昆仲高隱好學  
人復稱之爲二陸焉

二陸書臺何處尋隔溪茅屋頗幽深縱橫鄴架牙  
籤富日靜窗紗滿綠陰



壽潘仁久七十

數筆丹霞妙出羣風流不減李將軍飛騰石勢毫  
端見嗚咽泉聲紙上聞巖下閒遊隨野鶴松間獨  
坐笑流雲春添七十顏無改寒暑何曾侵到君

壽郡丞金六乾太翁

時攝刺  
史事

壽比靈山山下泉滔滔無盡自潺湲鄴侯骨格原  
來異不是天仙即地仙

二

孝友家聲是舊傳忠勛世澤更巍然聊歌一曲南  
飛鶴未頌坡仙頌老泉

哭穆提憲

威名久已振南州千古英豪第一流易俗移風碑  
在口洗兵罷戰雪盈頭民俱安堵功無敵海不揚  
波樂未休寶劍匣藏天上去於今麟閣少人遊

浦南烈婦

琴瑟和鳴懷二珠豈知好事只須臾百年幻夢方  
驚破三載貪生爲撫孤冰雪肝腸塵不染松筠節  
操世猶無剋心斷髮非常烈視死如歸女丈夫

壽畢魯望六十

嶺頭梅吐一枝妍恰值君家開壽筵甲子旋看春



看山閣集  
六十蟠桃初獻節三千不將金紫聯高座而與煙霞結淡緣鶴髮童顏常似此誰云否是地行仙

輓王倫叙兼慰太史雲岡

班香宋艷莫如之經緯才華寧若斯可惜謝庭佳玉樹迎風吹折一枝枝

二

潘輿奉母憶當時秋月光華春日遲秋易老兮春易去月斜日落是淒其

三

寸草春心想可知太史獎惜豈無為從來百行先推孝畱得芳名配日垂

看山閣集今體詩卷一終



看山閣集

今體詩卷二目錄

海濱秋眺

遊岑山

避暑山莊偶賦

山居四首

春

夏

秋



冬

偶興三首

踏春

步月野外得聞采菱歌

新夏

山間即事二首

秋日坐自安堂口占

贈金山宰

壽奉賢令家魯宗

聽友鼓琴因贈二首

過友人泖上新居二首

探梅遇雪

種梅

賞梅

題畫十二首

得月圖

鼓絃圖

罷釣圖

訪友圖

聞鐘圖



高隱圖

喜雨圖

鳴泉圖

落雁圖

春漁圖

牧牛圖

歸帆圖

畫大仙新築三首

與茂才江印月

寄武林朱刺史二首

寄花我朋

與羽士

宿友人墓

贈太素生三首

詠四時風月四首

春

夏

秋

冬

著書四首



園林自述六首

堂成三首

鄰竹二首

題畫墨蘭

題畫半身美人二首

雨後過陶傲菴齋讀詩

邀友山間玩月

茂才戴蓉石惠觀清秋辭二首

題鴛鴦幻傳奇二首

友人示觀書畫

觀臨懷素書

觀仿雲林畫



看山閣集今體詩卷二目錄終

看山閣集

峰泖黃圖秘容之著

今體詩卷二

海濱秋眺

侵曉來濱海秋光爽更清水天一片影鴻雁兩三  
聲雲放遐荒境山含太古情不知極目裏何處是  
蓬瀛

遊岑山

秀色含林木霞光點玉泉看雲能去俗入境不知  
年巖畔松花落溪頭鶴夢旋何須窮島嶼此地有



神仙

避暑山莊偶賦

垂陰一畝接閒亭繞室惟聞蘭蕙馨水鏡乍開新  
漲綠雲天欲放晚山青竹中喜雨僧同話松下鳴  
琴鶴共聽漁唱數聲星月起清涼無暑醉初醒

山居四時

春

山莊春日喜相宜白李紅桃一逕移膩臉分明勻  
淡粉紅襟髻鬢著輕脂漫拈芳草詩成句閒聽鳴  
鸚酒滿卮最是嶺頭雲不去徘徊陡覺我情怡

夏

山莊夏日喜相宜陰綠深深傍戶移百折流泉千  
榦竹三間茅屋一園籬漫搖葵扇風生脇新試荷  
衣香透肌煩暑既消塵不染清涼直作洞天思

秋

山莊秋日喜相宜氣爽天清是此時李氏煙雲多  
淡志宋家詞賦動悲思一林金桂迎風落半壁青  
桐帶月移對景臨尊追古意今宵沉醉亦何辭

冬

山莊冬日喜相宜松竹凌霜不改姿麥飯頗堪供



我飽縕袍聊可禦寒時  
草堂待月開尊晚處士尋  
梅得句遲欣看雪花呈蚤  
瑞豐盈預誦一聯詩

偶興

邱壑何緣天放隱禽魚瀟灑我閒情  
花前沉醉葡萄酒石上時敲碁子聲

二

欲移欹枕當山臥臥入煙霞足自怡  
一種幽懷難道破任他嗔笑我生癡

三

安貧樂道情何易閉戶看花興若癡  
性不受錢非

是傲人將拒我少時宜

踏春

偶爾行春春可憐桃花舒笑柳拖綿  
何時移篔簹橫塘上爛醉葡萄一覺眠

步月野外得聞采菱歌

橫塘小步自怡然無奈今宵夜色妍  
忽聽采菱歌幾處一時風月在愁邊

新夏

靜晝擁書坐綠陰覆滿房風光移四月  
景物異三陽出水荷錢小拂堦柳線長  
不妨拋枕簟清夢破



西堂

山間即事

采藥入深山悠然白日閒清風一相過可愛鳥緡蠻

又

草亭日初曛山花香可聞行吟最高處屐破一峰雲

秋日坐自安堂口占

秋色山餘骨踈林松耐寒幽深人莫到一片白雲安

贈金山宰

珠玉神涵錦繡心世遺清白起冠簪盛名已羨攀仙桂優學猶當入仕林得月一堂惟伴鶴惠風百里但聞琴口碑盡作陽春頌具見君家仁愛深

壽奉賢令魯宗

爭頌邑侯賢我家舊穎川欲將琴化治漫學酒逃禪花縣春常麗槐堂日正妍欣瞻獻壽處紫氣籠華筵

聽友鼓琴因贈二首

風迴松瀟灑庭舞鶴踟躕令我神相往宣人情自



然偶因見古意可與結閒緣深愧非流水何能溜  
入絃

又

慚非韓愈學謬詠穎師詩相賞興高意移情起遠  
思伯牙稱善鼓鍾子數能知自有真滋味空清萬  
古時

過友人泖上新居

日午禽聲亂幽人未啟關當前圖畫好一片米家  
山

又

烟水茫無際秋林淡復濃此間堪寄託簞笠自從  
容

探梅遇雪

瑞花飛六出遣興酒三升風拂香生硯雲來山有  
朋撒鹽猶可擬舞絮却難憑此際吟驢背高賢常  
自勝

種梅

人靜三更後梅花鋤月栽不期春色早相傍竹林  
開瘦骨霜中出暗香雪裏來欲追和靖節高臥自  
徘徊



賞梅

蚤春獨步白全境入幽閒空曠邊雪滿梁園消  
未得玉堆玄圃劇堪憐寒香馥郁兜羅袖瘦骨橫  
斜貼畫筵我不知情常切愛廣平曾亦賦清妍

題畫十二首

得月圖

有月江流淡無雲天氣清人行山峽裏頗得臥遊  
情

鼓絃圖

古寺鐘聲寂春山烟靄深抱琴林壑下流水見知

音

罷釣圖

綠陰深處好歸去晚風涼寂寞秋江上漁舟唱夕  
陽

訪友圖

曉行風景爽秋色樹林疎流水橋通處悠然一草  
廬

聞鐘圖

嫩綠添山色蒼松挺秀枝水流不到處烟寺晚鐘  
遲



高隱圖

黃石溪頭靜疎林秋色深  
畫圖相對裏不覺憶雲  
林

喜雨圖

日暮秋江靜雨餘山色青  
烟雲飛不去千里一孤  
亭

鳴泉圖

白雲山半起碧蘚砌邊生  
瀑布鳴還咽如聞畫有  
聲

落雁圖

一艇深溪裏悠然獨釣魚  
雁行橫幾處風蕩不成  
書

春漁圖

桃花紅點水楊柳綠迎窗  
一曲漁家笛清風好按  
腔

牧牛圖

鬪草花溪畔放歌柳岸頭  
乘來牛背穩斜傍夕陽  
投

歸帆圖

雲帆飛遠浦漁曲送斜陽  
落木秋江寂西風雁一



行

畫大仙新築

大仙愛泉石小圃是新成帶月花篩影迎風鳥弄  
聲煙霞超世境樓館接蓬瀛遊目知何極偏饒清  
曠情

二

花溪水一曲引入屋三楹梅月迎窗淡松風拂戶  
清新詩邀我詠美酒對山傾深愧疎狂客欣攀賢  
主情

三

剡開山足土江水放來平永日吞嵐影長風鼓浪  
聲寒炎千古別心耳一時清何日完余事攜碁彈  
數枰

與茂才江印月

偶爾識江郎文才獨擅長自饒小杜趣不減大蘇  
狂人似黃花瘦詩成白雪香能無烟火氣宜有夜  
珠光

寄武林朱刺史

西子湖頭花柳安携尊嘯詠自盤桓雄才欲奪曹  
劉氣逸志能驅郊島寒來往白雲堪作友芬芳黃



看山隱集  
菊可爲餐於今始得閒中趣同似仙家日月寬

二

晴好雨奇情萬狀淡粧濃抹態多般山林有意招  
遊目禽鳥無心與解歡葛嶺風清雲自起蘇堤柳  
暗月偏寒湏知遙寄殷勤語花探幽芳竹問安

寄花我朋

從來交誼貴知心日久相投意氣深不似波瀾多  
反覆黃金散盡昨非今

與羽士

壺裏乾坤大仙家日月長笑他人世上猶似燕巢

忙

宿友人墓

玉樹埋黃土情傷無已時朔風哀草木落月走狐  
狸化鶴歸何處乘雲遊莫期我今來掛劍聊表寸  
心私

贈太素生

偶邇探幽入講堂何緣遂得接蘭香飄然風骨非  
凡品如挹珠巖萬丈光

二

越水如君稱異士吳山容我號閒人相逢不覺成



心契應擬清尊醉一旬

三

名因品藻騰清世道爲文章重勝時我有烟霞一  
瘡疾恐君知脉不知醫

詠四時風月

春

輕風淡月逗簾櫳風信初番月半弓風捲曉雲推  
素月月隨溪竹拂清風擔風握月春方滿弄月吟  
風酒不窮風月主人風月夢聞憑風月伴閒鴻

夏

風清月白滿長空弄月吟風夜正中月照池塘風  
寂寂風搖窗竹月朦朧乘風歎起三山月待月涼  
生一扇風爲愛連宵風月好臨風對月意無窮

秋

金風颯颯月朦朧風正吹兮月正中明月闌干風  
竹葉清風庭院月梧桐風簾瀟灑穿殘月月榭高  
低鎖晚風秋思僅存風與月百年風月幾相同

冬

澗月林風草閣空穿簾殘月紙窗風凍雲籠月風  
無力寒水生風月亦窮竹月一庭風慘淡松風半



看山隱集  
榻月朦朧四時風月猶常滿風月閒情幾處同  
著書

春日和恬桃正舒花源深處有蓬廬一天錦繡晴  
方妙靜坐芸窗好著書

二

夏日初長荷正舒香風飄拂入吾廬檻前碧水灣  
灣繞納戶清涼好著書

三

秋日清幽菊正舒微酣枕甕臥吟廬醒來月掛松  
梢上分得餘暉好著書

四

冬日衝寒梅正舒一枝和雪壓茅廬須臾雪霽梅  
花出玉照香凝好著書

園林自述

十畝園林妙景賒遍栽松竹與梅花花時閉戶無  
迎客獨酌葡萄醉日斜

二

一泓秋水魚知樂百尺喬松鳥自歸却被等閒魚  
共鳥無心點出我幽機

三



一邱一壑可容身既醉還吟莫厭頻家在畫中不  
識畫頓教邱壑自親人

四

沽酒穿雲入翠微須知不醉亦無歸渾疑身化莊  
周蝶乘得清風隨意飛

五

長林日永鳥無譁靜坐西齋意獨遐麥飯布衣行  
我素狂吟酣飲是生涯

六

不詠新詩徒看花看花無過醉流霞若然有客來

相訪雲水源頭是我家

堂成三首

春朝喜得草堂成掃地糊窗興頗盈流水源頭看  
月色垂楊浪裏聽鶯聲琴書寶劍常爲伴松竹梅  
花舊有盟須令山童忙貰酒好酬一載費經營

二

造物由來亦好奇頓教人力巧爲思無心寫出雲  
林畫隨意吟成摩詰詩聊佐閒居頗自得深藏高  
士也相宜我儕莫謂名難顯曾註丹臺玉室時

三



看山閣集  
十一  
迎春纔賦一聯詩又促春回  
叫子規對景浮生渾似寄  
臨尊沉醉亦何辭  
悠遊不減疎狂性  
灑脫能希大小癡  
此樂縱然非我樂  
我真樂處豈人知

鄰竹

爲愛鄰家竹  
蓬窗永日開  
韻清風自度  
影亂月方來  
滴翠凝書幌  
分陰上硯臺  
此君真我友  
無怪久徘徊

又

吾有薇之癖  
苦無隙地栽  
依鄰聊免俗  
看竹且銜杯  
透日叢偏茂  
窺人鳥更來  
憑闌還倚檻  
此意獨

悠哉

題畫墨蘭

爲挹中林秀  
常怡空谷情  
風吹香不散  
偏傍墨池生

題畫半身美人

天仙今始遇  
半是落湘雲  
爲惜人輕薄  
春光未十分

又

帶笑渾無語  
含嬌却是嗔  
世人皆俗眼  
未許見全身



看山閣集  
雨後過陶傲菴齋讀詩

朝雨過時浮草色春煙蕩盡接山容此間清曠堪  
休養願與聯吟撫碧松

邀友山間玩月

此地多閒曠一林竹與梅綠成雲朶朶白映雪堆  
堆爲待山間月不停手內杯已拚沉醉倒深夜自  
徘徊

戴蓉石茂才惠觀清秋辭

靜對高山聞鼓琴不才自愧託知音南華秋水西  
池月想見靈空一片心

又

碧落仙郎遙調臨新詞譜出有清音李摹試以露  
通笛吹落天香滿地金

題鴛鴦幻傳奇

是誦關雎樂不淫可將蘭蕙比幽襟漫憑一寸生  
花管寫出佳人才子心

又

似乎卓女當壚事不作求凰一曲琴是以命名原  
道幻欲窮幻處少知音

友人示觀書畫



墨潑南宮畫頭濡長史書畫禪顛裏悟草聖醉中  
如煙靄毫端繞龍蛇紙上舒一人贏兩絕風雅自  
當居

觀臨懷素書

點畫終歸法可知用筆難千軍勇莫敵萬壑秀堪  
餐舞劍酣然悟書蕉喜自安直將凡骨換底是有  
金丹

觀仿雲林畫

復觀雲林畫幽閒志可舒一卷石韞秀數榦竹蕭  
疎自有天機到能將凡格除爐香與茗椀靜對樂

何如

看山閣集今體詩卷二終



看山閣集

今體詩卷三目錄

題禪翁詩酒娛情圖

題畫荷花

題菊花便面

題水墨過牆梅

贈初明子

與徐景星

別羽士費又仙



接友人哀訃

春行

晚眺

與梅花外史題清吟圖小照

立春

對琴有感

臨書偶興

賦得瀟灑柴桑處士家二首

買花二首

不寐

暮春偶筆

詠庭前紫牡丹

遇友小酌

消夏吟二首

自叙

山居

秋日於余園長齋繡佛之室與水月上人

談經偶賦

率意

閱經



夕陽

觀古畫得山林之樂因賦

問石

把酒

中秋夜詠月

池中立石

放鶴

觀許時昌翰墨

贈州佐周軒山

與茂才周既露二首

哭茂才徐維士

園成二首

小園雜詠六首

題鍾山狂客歸隱圖

友人惠觀西湖四季圖

友人問余近况因賦以荅

與茂才陸莪峰二首

弔處士張小湖隱居

秋日感懷二首

慎交



雨秋十景

山雨

溪雨

林雨

話雨

聽雨

喜雨

坐雨

蕉雨

煙雨

花雨

集沈太史齋即席詠菊

詠芙蓉五首

秋郊口占

葵花二首

秋仲集友花間草堂觀演自製梅花箋一

劇分韻得裁字

秋日余賞酒招知己舉尊鱸之會即席分

闍得壺字

與菊菴居士



看山閣集  
與徐明經

遊白雲菴

掃雪

看山閣集今體詩卷三目錄終

看山閣集

峰泖黃圖秘容之著

今體詩卷三

題禪翁詩酒娛情圖

禪翁雅譽擅丹青喜寫詩仙配酒星一種幽懷堪  
寄託逍遙詩酒自忘形

題畫荷花

水鏡偏生別樣粧細腰新舞碧雲裳神傳尺幅多  
幽韻筆墨時時聞遠香

題菊花便面



誰把東籬種移來綴扇頭靜觀頗不俗入手更生  
幽待月花初綻臨風香欲流自邀陶令愛媚雅少  
同儔

題水墨過墻梅

月明風寂夜窗幽瀉影流香望裏收卻喜一枝疎  
更密半藏春色粉墻頭

贈初明子

我笑初明抱大才幽閒自喜隱徂徠無心綠竹凌  
雲去有意青山憑几來筆掃千軍方是樂門縣一  
席未堪哀男兒已具英雄色到此工夫豈異哉

與徐景星

我有烟霞癖君懷清曠心論文曾共席戴笠本同  
林富貴安能易草萊何獨深高山與流水爲爾一  
鳴琴

別羽士費又仙

人間甲子休拘束夢裏繁華不耐長我欲乘雲携  
白鶴一聲清嘯跨滄浪

接友人哀訃

先一日聞有錦旋之喜

百年寄託疾如飛月轉花殘一夢歸反覆自隨人  
事遠炎寒永與世情違傳來喜信將云是遞至哀



音豈曰非從此碎琴不復鼓白雲巖下掩荆扉

春行

點點桃花沾客衣  
絲絲弱柳拂漁磯  
牧童一笛吹牛背  
還向前邨遙指歸

晚眺

樵歌天半暗飛旋  
桃柳溪頭泊釣船  
茅屋數間歸望裏  
晚來春樹亦成烟

與梅花外史題清吟圖小照

梅花香吐色初新  
小閣閒吟莫厭頻  
玉骨冰心塵不染  
偏從世外喚佳人

立春

霞杯初獻歲風景不尋常  
金管新陽動玉盤  
雅薦長隋園花剪綵  
潘縣蝶探芳杜老情無盡  
微吟到草堂

對琴有感

敢曰知音少無如陶不絃  
衆山皆絕響琴枕且高眠

臨書偶興

閒軒日靜綠陰遙  
檢帖摹書破寂寥  
不向市頭輸紙價  
小庭植得有芭蕉



賦得瀟灑柴桑處士家

瀟灑柴桑處士家  
山泉寂寂鳥楂楂  
年來自得其  
中趣  
一榻高眠在碧霞

又

地僻林深風景嘉  
曛曩旭日映朝霞  
茲身閒到無  
閒處靜掩蓬門掃落花

買花

小圃有餘地  
芳香莫厭多  
酒逋償未已  
花債又相  
拖

又

惟人邀富貴  
獨我愛芳香  
囊底餘資盡  
典衣却不  
妨

不寐

片月臨堦早  
薰風入幕清  
三更人不寐  
四壁起蛩  
聲

暮春偶筆

嫩綠微紅已暮春  
一年風景一番新  
日長靜聽朱  
闌外亂叫黃鸝似喚人

詠庭前紫牡丹

曾向慈恩寺裏栽  
今朝忽傍藥闌開  
嬌姿分得羅



襦色疑是昭容拂袖來

遇友小酌

對花雖小酌此會不尋常  
玉酒生春色金蘭吐異香  
我慙君意氣君恕我疎狂  
欲借今宵月照人入醉鄉

消夏吟

春好人嫌短夏來我愛長  
可無竹萬个宜有木千章  
夜靜書攤閣窗虛月繪牆  
阿儂閒至此忘暑自清涼

又

一畝居偏僻禽魚興獨長  
軒臨秋水淡簾捲芰荷香  
懷古深求晉裁詩每擬唐  
丈夫時未遇藉此以徜徉

自叙

家本黃山裏蓬飄亦偶然  
斧柯久已爛棋局未曾全  
金紫知非分草萊幸有緣  
茫茫歸路迥天際白雲邊

山居

深山靜日絕塵埃送得春  
時秋復來地僻也無人  
跡至金風落葉滿松苔



秋日於余園長齋繡佛之室與水月上人  
談經偶賦

志澹還虧交有僧竹間閒話意堪憑索居不覺秋  
光老門外丹楓傲武陵

率意

願投酒裏作閒官日事壺觴興未闌窮盡古今興  
化處滿浮一白自呼乾

閱經

清淨無煩最上乘色空空色總難憑日長愛把金  
經誦雲戶人間即是僧

夕陽

竹樹匆忙欲化煙一羣暮雀後爭先漁舟蕩槳歸  
來晚兩兩歌聲落照邊

觀古畫得山林之樂因賦

常有烟霞癖每求山水情引人入勝處幽思忽然  
生

問石

巨石巋然面小樓尊酬詩獎幾番秋安知我學非  
禪理獨向生公自點頭

把酒



看山陽集  
六  
世事分明是奕碁何須着意逗迷離難逢佳月當  
頭上不醉今宵亦大癡

中秋夜詠月

明鏡誰懸在碧天陰晴無定缺還圓漫看似水交  
流處秋色平分月正妍

池中立石

鯁骨堅心砥急流丈夫氣槩孰同儔無慙直受南  
宮拜莫謂癡顛機不投

放鶴

放鶴閒庭下梅花白雪中一鳴驚海濶兩翼舞雲

空偏愛追林子相隨繼趙公倦飛仍傍我料得世  
情窮

觀許時昌翰墨

余亦知書畫無如君擅長龍蛇思起舞煙雨欲飛  
揚筆筆天機到山山仙境藏吾方疑此子風骨不  
尋常

贈州佐周軒山

茂叔推賢遠伯琦擅譽長箕裘承世業禮樂起文  
章嫻雅希秦晉才華並漢唐揮毫泣神鬼舒嘯臥  
滄浪有意歸山野無心借酒狂靜觀廿一史閒寫



十三行小步隨玄鶴微吟入錦囊清幽同皓月廉  
潔似秋霜大雅何如此丰標亦異常

與茂才周既霑

君嗟相見晚我得飲名香自有神仙骨寧非錦繡  
腸管絃翻雪調花月醉霞觴體瘦才偏壯風流似  
沈郎

又

劇論齒生香豪情劍閃霜節堅堪並竹性直不隨  
楊山水移情遠禽魚引興長科頭松下坐閒笑白  
雲忙

哭茂才徐維士

子敬琴亡日彥先音絕時一朝忽棄別千古永相  
思宿草情何已登霞覓莫追天涯烟水濶愧我釣  
竿遺

園成

昨歲營精舍今年構草堂禽魚聊點綴林木喜成  
章舊賦梅花艷新筍竹葉香徜徉須及早莫負好  
時光

又

當窗一片石入榻半溪雲燕剪風前落鶯簧柳外



聞裁詩何瀟灑把酒更殷勤此後無他好林泉我自欣

小園雜詠

春風相送鳥聲喧夾岸紅桃開正繁吾欲乘舟閒  
過訪不知何處是花源

二

花陰竹影自交加一枕餘閒臥碧霞客至無非留  
共醉東山明月正堪賒

三

年來漸與世相違鳴鳥飛花我獨依何必買山方

是隱一枝聊以寄幽微

四

山雲淡蕩擁柴扉烟水蒼茫沒釣磯自喜北窗高  
枕穩一簾花鳥弄清暉

五

戲水池魚知極樂依人林鳥自來歸無窮妙處於  
中得肯許巢由脫俗機

六

恨無好客掩荆扉莫向時人較瘦肥爛醉葡萄三  
百斛可知誰是與誰非



題鍾山狂客歸隱圖

空山無所有一片往來雲洗耳花源畔榮枯總不聞

友人惠觀西湖四季圖

一片湖山堪入畫半溪桃柳欲停艎從來吳越多名勝不遇春時亦放花

友人問余近况因賦以荅

永日無他好愛山更寫山烟霞何限樂筆墨未曾間流水聞嗚咽浮雲看往還于中多妙境容我一癡頑

與茂才陸莪峰

與君詩酒結閒緣弄月吟風年又年漫道有才應有用功名富貴付之天

二

我愧疎慵時不合君推騷雅氣相投欣然一見成心契河海何曾擇細流

弔處士張小湖隱居

一朝千古遽云別戴笠披簑誰與儔數壘雲山總是恨半潭烟水亦含愁文章早已留天地意氣飄然還斗牛惟有青青門外柳相看髣髴接風流



秋日感懷

握管悲秋賦已成  
頽然自不解謀生  
北樓山色南樓月  
相與烟霞舊有盟

二

勺水卷山草閣開霞天錦樹近蓬萊  
多應薄俗高賢棄  
每向花間醉幾回

慎交

薄俗如梭久掩關  
浮生却奈性愚頑  
月來有酒堪人醉  
雲去無心笑我閒  
花下論文文似錦  
紙頭潑墨墨成山  
此身自分多清曠  
終日盤桓林木間

雨秋十景

山雨

百尺層樓上憑欄  
攬勝長雲迴  
山作雨一望自蒼茫

溪雨

荷氣風飄遠溪光  
雨後鮮葉擎珠萬顆  
蕩漾不成圓

林雨

隔溪昨夜雨竹木幾參差  
檢點雲林畫且吟得意詩



話雨

獨坐秋聲裏拋書五夜長阿誰多灑脫共我話聯

聽雨

一庭風剪葉蕭殺不堪聞夜靜添愁思堪悲秋九

喜雨

風翻頻落木雲歛幾山青好景皆歸望重過喜雨

坐雨

枯坐荒齋畔收書漫鼓絃一簾風雨潤清韻自飄

蕉雨

窗掩芭蕉綠人閒夜半秋不防點滴裏卻是易生

烟雨

林木蕭疎裏烟雲水墨間眼前圖畫好盡是米家

花雨

小立空堦上微吟對紫薇一番秋雨過數點落花



飛

集沈太史齋即席詠菊

一庭秋色好最是菊花黃  
既得清時品尤能晚節香  
流雲識氣宇明月接容光  
滿汎尊中酒留君醉玉堂

詠芙蓉五首

粉膩脂香一笑中  
舞餘無力倚秋風  
多情最恨人難識  
淚落寒潭幾點紅

二

含嬌弄色美難加  
一種風流敢獨誇  
最是粧成猶

自惜低回不語對菱花

三

紅襟綠袖剪朝霞  
舞態踣躑更可嘉  
疑是楊妃新醉後  
月中試把翠盤誇

四

柔枝嫩蕊玉無瑕  
帶笑含嗔未破瓜  
小立風前常不主  
憨憨癡態屬兒家

五

雁斷秋雲何寂寞  
月明湘水動相思  
此時金屋應開帳  
約畧風流想可知



秋郊口占

明月看如鏡，清天仰若虛。金風寒入骨，玉露冷沾裾。出岫雲何少，投林鵲總疎。江湖徒滿地，惟有一歸漁。

葵花二首

不奪春時色，能邀秋日香。葵心常抱赤，素志獨傾陽。

又

秋色多佳品，葵花獨抱丹。始知非俗物，不畏歲時寒。

秋仲集友花間草堂觀演自製梅花箋一劇分韻得栽字

落拓襟期素不才，一尊雅集對花開。柳腰櫻口爭奇艷，舞罷霓裳五色裁。

秋日余賞酒招知己舉萼鱸之會即席分闡得壺字

蘭陵有酒美堪沽，秋月尊前萼共鱸。放飲直教天地小，醉鄉猶似勝蓬壺。

與菊菴居士

繞砌多幽菊，依山有草菴。琴書一榻擁，風月半肩



擔休養投雲臥逃名借酒酣其間真意味淘出苦  
中甘

與徐明經

簞食偏能樂聖賢教不忘因貧詩句好爲傲姓名  
香酒隱陶元亮琴悲陳子昂半耕還半讀徐氏有  
書倉

遊白雲菴

喬木參差曲逕長白雲深處曉蒼蒼當窗自有真  
圖畫瀑布千尋山滿房

掃雪

梁園積玉正交加六出爭飛五出花漫喚山童尋  
逕掃日長供我一甌茶

看山閣集今體詩卷三終



看山閣集

今體詩卷四目錄

元旦奉家大人於獻歲堂恭紀二首

贈華亭宰周念莪

壽呂詩仙

與羽士心成山人

橫雲山莊曉望

遊茹英張太翁橫雲新築

友人留宿山間



過隱者居三首

張又亭桃花巖別業二首

題畫十首

梅花書屋圖

仙山樓閣圖

空山烟雨圖

曲檻觀泉圖

茂林曲院圖

流水閒雲圖

秋江古寺圖

疎林片石圖

春溪漁樂圖

寒山積雪圖

梅花五首

桃花四首

竹

蘭

四時閨情

春閨三首

夏閨三首



秋閨三首

冬閨三首

與山陰魯茂才

和魯茂才原韻

懷長安友人

送伊茂才還楚

題山人居二首

過友人別業

魯太守去思碑

春遊

與梅圃道人二首

送友人歸湖和韻二首

丙申歲自壽

程竹岡昆玉詩酒自娛高隱不仕余聞其

賢訪而友之

家兄夏珍遷居東郊二首

秋日小步遇友留飲三首

周處士唱曲四首

東謝楊閣學楷人序洞庭秋樂府

友人招飲



秋夜偕友遊行

聽友彈琴二首

搗藥

九日登高四首

園林秋思

遊董園口占

讀張茶邨白雪詞二首

看山閣集今體詩目錄卷四終

看山閣集

峰泖黃圖秘容之著

今體詩卷四

元旦奉家大人於獻歲堂恭紀

惟願春常好春同宇宙寬  
捧觴頻介壽舞綵共承歡  
饑渴無言苦晨昏但問安  
且看秋夜月能得幾團  
樂

又

一畝娛花竹高堂能自寬  
寒時須上帛飽後莫加餐  
子壯成名易親衰來日難  
時時依膝下不忍問



長安

贈華亭宰周念莪

崇邑推廉吏申江久飲名月明無犬吠風細有琴聲才海盈難竭冰壺徹底清散衙桃李畔詩酒結閒盟

壽呂詩仙

名香年少愛題詩韻爽音清協紫芝捧日瑞雲來太極迎陽鳴鳳起天池風流應有神仙骨瀟灑寧非松柏姿我愧不才無別祝介君眉壽酒盈卮

與羽士心成山人

奇偉曾襟超古今平生好飲更耽吟呂巖蚤播神仙籍許邁曾投君子林豈效入山即辟穀須知得道似穿鍼工夫用到人難識一點靈丹成在心

橫雲山莊曉望

儼齋王大司農別業

爲愛真圖畫特來登此峰雲光何淡淡樹色自重重宿鳥驚遊客飛流引曉鐘東山高臥者已屬大司農

張太翁橫雲新築

雅愛林泉樂放閒於此中浮雲飛不去瀑布落長空蕉葉分天綠桃花下雨紅登山無限意一嘯起



清風

友人留宿山間

輞川圖畫好盡是望中收  
花雨聯床話松濤到枕  
秋一區楊子宅百尺謝公樓  
得履清涼界遙知仙  
可求

過隱者居

山光黯淡擁柴扉  
水色蒼茫沒釣磯  
却妬閒人清  
有福漫將山水探幽微

二

水搖翠竹留清韻  
風過紅蕖送遠香  
竹院蕖塘人

靜坐塵氛十斛盡  
消忘

三

山中自喜無炎冷  
世上徒憂有是非  
一枕碧霞安  
且穩日高鳥亂未穿衣

張又亭桃花巖別業

一石巍然仰盛儀  
高低形勢出窮奇  
甘泉肥土稱  
盤谷清冷何如此地宜

又

磷砢百孔映朝曦  
誤入深深境界奇  
否是桃花遙  
接引漁人歸路欲相迷



題畫十首

梅花書屋圖

枝頭凝暮雪山半起晴煙日靜禽聲亂幽人正醉  
眠

仙山樓閣圖

峭壁連雲起清泉繞檻流求仙更何處無復有丹  
邱

空山烟雨圖

水墨山林淡烟雲滋味長畫圖多意味呼出米元  
章

曲檻觀泉圖

攬勝亭生趣話閒客有情但聞素紙上永日響泉  
聲

茂林曲院圖

竹木深藏逕亭臺半靠山若能携杖去隨意樂其  
間

流水閒雲圖

流水清心耳閒雲見性情畫來無俗筆宛若自天  
成

秋江古寺圖



秋水平如鏡長天清若虛客船何處泊惟聽晚鐘  
餘

疎林片石圖

疎林秋色好片石曉光宜  
潑墨雖閒事隨人幽遠  
思

春溪漁樂圖

曬網柴門外停舟楊柳邊  
賣魚還沽酒一醉樂陶  
然

寒山積雪圖

暮雪滿山徑閒人吟草廬  
解寒何事好濁酒看新

書

梅花五首

鋤月栽梅興頗幽狂枝疎影一簾收  
東風不識郎輕薄直送寒香到枕頭

二

半林晴雪寒初解一枕幽香夢可思  
卻似瑤臺逢素艷恍疑瓊圃遇仙姿

三

移來月鏡就蛾眉淡掃輕勻粧頗宜  
芳韻欲流春不主渾疑虢國奉恩時



看山閣集  
四  
衝寒破臘報春知  
玉骨冰心喜自宜  
今夜月明人  
醉後可憑蝶夢寄高枝

五

海棠恨不與同時  
優色桃花難借枝  
雪魄冰魂塵  
莫染應從世外識  
芳姿

桃花四首

和露移栽小院旁  
添泥灌水細斟量  
湘簾不卷宜  
通燕燕去還來學我忙

二

一林紅粉艷成行  
共倚東風笑語香  
蝶自盤旋蜂  
自鬧頓教點綴好春光

三

灼灼其華艷艷香  
姿柔腰瘦不勝粧  
楊妃醉後新  
承寵雨逗雲淹一種芳

四

無那春風催曉粧  
紅雲衫映碧霞裳  
生來自小多  
仙骨總是昭君艷  
莫當

竹

不可居無竹  
移家湘水東  
參差依碧落  
瀟灑入蒼



穹疎影搖殘月寒聲動曉風隔溪昨夜雨點滴此  
君中

蘭

蘭爲王者香衆卉何相當空谷偏常茂不言猶自  
芳林逋梅得句陶令菊傳觴惟此同誰好應歸孔  
子堂

四時閨情

春閨三首

春閨人寂寞悶把畫闌凭腰比垂楊瘦迎風力不  
勝

二

春閨人寂寞閒坐又黃昏風雨連宵急梨花深閉  
門

三

春閨人寂寞撩亂海棠魂一夜醒無寐愁心太不  
根

夏閨三首

夏閨人寂寞長日意如麻回憶三春夢真耶是假  
耶

二



夏閨人寂寞愁碎鏡臺前誰說卿猶我相看亦可憐

三

夏閨人寂寞菡萏獨繁開蝴蝶隨春去東風吹不來

秋閨三首

秋閨人寂寞風景最難消偏向多愁處月光分外饒

二

秋閨人寂寞清夜雨芭蕉點滴何堪聽孤燈頻自

挑

三

秋閨人寂寞寫出斷腸詩桐葉隨風去殷勤寄我思

冬閨三首

冬閨人寂寞如醉復如癡斜倚薰籠畔含嬌不語時

二

冬閨人寂寞梅信蚤傳芳可惜春無主飄零風雪旁



三  
冬閨人寂寞屈指又殘年一紙迴文去天涯應見  
憐

與山陰魯茂才

山陰有異士恬退臥雲窩籬短花偏密池寬魚自  
多淡交宜似水薄俗改如梭聊假淵明興酣時且  
作歌

和魯茂才原韻

仲連許久別意氣近如何交結黃金少詩成白雪  
多西湖花自笑北海酒方醅他日携檀板六橋重

醉歌

懷長安友人

數竿修竹是吾廬且賦新詩且釣魚萬卷得叨昇  
世樂一杯但覺宦情虛西風有意吹殘夢北雁無  
心不至書追憶長安猶寤寐蒹葭玉露竟何如

送伊茂才還楚

醉折一枝柳送君千里行方嗟相見晚旋覺別離  
輕風月思玄度文章憶杜生桃花與流水無限故  
人情

題山人居



溪光交樹密雲影壓山低幽谷無人語日高鳥亂啼

又

片石堪高隱千竿無俗塵餐霞還煮雪韻事在高人

過友人別業

竹繞幽人宅梅開處士堂子猷風獨遠和靖節偏長雲鎖藏書窟山吞滴翠房目前無限景多付一奚囊

魯太守去思碑

氣似春風明似月清如秋水潔如冰以公政績同羊祜隨淚碑前暮靄凝

春遊

春光飛滿地花色艷新年玉椀盛香醞金鞭動曉烟高樓聞笑語靜院起歌絃綠遍王孫草天涯人未還

與梅圃道人

高士軒窗擁百梅閒情逸志自相推惟聞簾外香千縷不掃堦前雪一堆

又



不信山家春蚤迴傳春底是百花魁常時自得林  
逋句何日曾空北海杯

送友人歸湖和韻

半生酒裏作閒官且喜相逢友似蘭寄跡西湖名  
已謝且從花柳探平安

又

囊空從不受人憐性本愚頑豈愛錢自此益添無  
限妬老將詩骨葬湖邊

末句即原侶也

丙申歲自壽

一琴一鶴伴閒身鶴喚琴聲無俗塵罪我年來無

別事涓埃未有荅尊親

程竹岡昆玉詩酒自娛高隱不仕余聞其  
賢訪而友之

二程賢聲久愈香山兮蒼秀水流長詩書得意因  
憐癖琴酒知心不厭狂肝胆相傾無所愧雲霞投  
合有餘光如君丰度真堪契何獨當年數范張

家兄夏珍遷居東郊

東郊舊業是新開五桂三槐喜並栽世錦堂成同  
畫錦壽杯酒泥接霞杯堦前日暖芝方產庭畔春  
和鳳自來佇看高車與大蓋不難重展穎川才



又

彩箋詩句是新裁曾向西堂夢得來常慕同棲書  
忍獻欲期共志合荆裁晚風綠蔭庭萱茂朝雨紅  
迎仙杏開最是文疆傳孝友無慚江夏素相推

秋日小步遇友留飲

清朝愛小步玉露冷沾裳木落聲如嘯雁排字欲  
行悠遊我意淡相遇友情良頓覺秋雲薄未如君  
誼長

二

東籬有逸士秀美一丰姿屣為迎賓倒巾因漉酒

持主情投轄重我意傍山移恍惚登蓬島心神暢  
此時

三

坐花還坐月相見遂相知志樂身忘返酒酣力不  
支心神入化境骨節欲仙時歸去茅齋下搔抓難  
着思

聞周處士唱曲

原來顧曲擅周郎句艷音嬌怡我腸疑是鳳鳴丹  
穴裏一回聞處散清涼

二



腰瘦情狂似沈郎數聲鼓吹出詩腸渾如入坐清  
虛殿月朗風微夜色涼

三

低按紅牙別有情戲翻白雪已成名若非靄妙李  
摹笛何處偷來天上聲

四

自有蘭芬無俗情須知玉室舊登名長歌短拍流  
芳韻不作尋常靡曼聲

東謝楊閣學楷人序洞庭秋樂府

一經點鐵便成金始信仙家意味深今日王關重

吐氣高山流水有知音

友人招飲

蘭陵有美酒不惜價頻沽好客時投轄買花常累  
逋顛名惟妬爾癡興莫憐吾投合仍同調舒眉傾  
一壺

秋夜偕友遊行

人出風塵境秋多得意天登山頻躡屐載酒必携  
船靜院梧桐月芳塘楊柳烟誰家學歌舞長笛起  
樓前

聽友彈琴



君擅伯牙長松風一曲揚高山出雲霧流水入汪洋

二

爲愛桐音古移情山水旁此中間意味能有幾人嘗

搗藥

山房人跡少風送杵聲冥籬短生黃菊山空長白  
苓常餐堪益壽頻服自長齡若有神仙分何愁丹  
不靄

九日登高四首

忽發登高興茱萸插鬢旁生涯莫相問酣飲度重陽

二

菊綻秋光好風邀落帽歡幾人能得趣隨我臥江干

三

此日無風雨滿城景物華上林皆賜橘未及阿儂家

四

既號書中蠹還稱酒裏豪難逢九月九盡醉且題



糕

園林秋思

遣懷一尊酒人醉臥東籬山透雲中骨菊留霜後  
姿飛飛燕去蚤寂寂雁來遲愁寄與明月天涯慰  
我思

遊董園口占

北苑先生筆南華境界圖遊人能至此骨節欲仙  
乎

讀張茶邨白雪詞

英年雋望老詞壇一曲陽春和者難試倩紅兒嬌

唱出數聲飛入彩雲端

又

何人咳唾落遙天風滿衣襟月滿川此曲由來世  
上少一回聞處一回仙

看山閣集今體詩卷四終



五  
十

三






